

## 1) UJAKKIT

Isumassarsineq tassaavoq ilummut anersaarneq, silammullu anersaaqqinneq. Isumassarsiagut eqqarsaatitsinnut pulasarput, namminerlu isumassarsiagut tunngavigalugit suliaqartarluta, pinngortit-silluta.

Johan Markussen sorpassuit iumassarsiffigisarsimavai; atuarsimasani, takusimasani, namminerlu misigisimasani.

Maanna arfinillit assigiinnngitsut ujassuatit. Ujagassatit tamarmik immikkut oqaluttuassartaqarput, Johan Markussen qanorililluni iumassarsisimaneranut tunngasut. Ujagassat nassaareriarlugu oqaluttuassartaa atuartassuat. Una ujaruk.

## NIELS HOLGERSEN

"Niels Holgersenip Sverige kaajallallugu eqqumiitsumik angalanera" Selma Lagerlöfip atuakkiaraa tu-saamaneqarluartoq. Selma Sverigemi inuusimavoq, Johan Markussen suli inuunngitsoq.

Atuagaq nukappiaqqamut Niels Holgersenimut tunngavoq. Eqiasuttuuvoq, arlaannillu sammisaqlatuaaraangami, uumasut naasorissaasoqarfimmi najugaqarfigisaminiittut qinngasaartarpai. Ullut ilaanni naasorissaasoqarfiup nissiaraalu isumaqati-giinnngillat, nissiaqqallu angakkuarluni Nielsi miki-suaranngortippaa, nissiaraq angeqqatigertillugu.

Tassanngaannaq Nielsip uumasut oqalunneri paasisinnaalerpai, nerlerlu angutiviaq kusanarluinnartoq oqaloqatigalugu. Nerleq kiffaanngissuseqarluni misilittagassarsiorusukkaluarpoq, nerlerit nujuartat angalaqatigalugit. Taamaasillutik Nielsi nerlerlu angalaqatigiillutik aallarput, nerlerit nujuartat Sverigemi angalaqatigalugit, ilaatigut ulorianartorsiortarlutik. Aatsaat ukioq ataaseq qaangiummat naasoris-saasoqarfimmut angerlaqqipput, Niels Holgersenillu uumasut qinngasaartarunnaarpai.

Johan Markussenip atuagaq atuarsimaneraa naluarput. Nalunngilarpulli Sverigemiinnikuunngisaan-nartoq.

Timmissami issiasoq Niels Holgersenimut eqqaanarpoq, taamaammat ilmagisinnaavarput Johan Markussen atuakkamit iumassarsisimasoq.





## KINAMIUT UUMASORUJUAT "DRAGE"

Drageq pulateriaarsuttut isikkoqartarpoq, løvetut niaqoqarluni. Ilaat oqartarput pulateriaarsuttut timeqartoq, aalisakkatut tattaqarluni, tuttorsuartut nassoqarluni, qatigattuutut kiinaqarluni, nersussuartut siuteqarluni, tiigeritut isigaqarluni, nattoralittut kukeqarlunilu, anersaapiluttut iseqartoq. Kinami drage uumasuuvoq ajunngitsoq, iluatitsinartoq. Uumasuuvoq peqqusersuinnermik, sapiitsuunermik nakuussusermillu takutitsisoq. Johan Markussen Kinamiinnngisaannarpooq. Inuunermi annerpaartaa Narsami najugaqarsimavoq, allamullu angalapiarsimanani; taamaallaat takorluuinermini allamut agalasarsimavoq. Imaassinnaavoq aviisini atuakkaniluunniit drageq takusimagaa, namminerlu taamaat-tumik qalipaanissaminik isumassarsisimalluni.



## KÂRALE ANDREASSEN – QANGAKKUNNIIT UUMASUT EQQUMIITSUT

Kârale Andreassen ukiut 100 matuma siorna tunumi inuusimavoq. Titartaallunilu qalipaasarsimavoq. Kârale meeraal-lunili titartaasarsimavoq, titartaallaqqissimavorlu. Kâralep titartagai Johan Markussenip atuakkani assigiinn-gitsuni takusimavai, assullu isumassarsiffigisarsimallugit. Kâralep titartagai arlallit Johan Markussenip qalipakkamini ilaarsisarsimavai.




## **EMANUEL A. PETERSEN**

Johan Markussen qalipaasartumit Emanuel A. Petersenimit aamma isumassarsisimavoq. Johan Markussenip una titartarsimavaa Emanuel A. Petersenip titartagaa ilaarseqqissaarlugu. Nuummi Eqqu-mitsulianik Saqqummersitsivimmi Emanuel A. Petersenip eqqumiitsuliai immikkut ineeqqamut inissiternikuupput. Tassanilu Johan Markussenip ilaarsisimasaa aamma takusinnaavarsi.

## **ILLUT ISSUMIK QARMAKKAT, AMMASUT MATOQQASULLU**

Nuup eqqaani nunaqarfitoqqat ilaat taaguuteqarpooq Kangeq. Tassani Aalut Kangermiu ukiut 150-it matuma siorna najugaqarsimavoq. Qalipaasarsimavoq. Ullumikkut qalipagai silarsuarmi tamani ilisimaneqarput. Oqaluttuarineqartarpoq Johan Markussenip Aalut Kangermiuup titartagai takusimagai, malugisimallugillu illut issumik qarmakkat ammaannartut, ilummut isigisinnaalersilluta. Johan Markussenip tamanna isumassarsiffigisimavaa, takuneraninggaanniillu illut taama titartartalersimallugit. Nuummi Eqqu-mitsulianik Saqqummersitsivimmi Aalut Kangermiuup titartagai marluk takusinnaavavit. (Kisianni taakkunani marlunni illut issumik qarmakkat ilaannngillat.)

## **AAMMA ANDERS AND-I NANISINNAAVIUK?**



## 2) OQALUTTUALIORIT

Markussenip qalipagaani oqaluttuassarpassuaqarpoq. Isiginnaajutigalugit ingerlaarit. Qalipakkani isumassarsiorit. Qalipagaq ataaseq toqqaruk, saavanullu ingillutit. Qalipagaq toqqarsi-masat tunngavigalugu oqaluttualiorit: